

湘綺樓詩

湘綺樓詩第八卷

庚午辛未

湘潭王闓運字壬父著

夏日寄懷曹郎中耀湘

昭陽鏡萬里薰風度卷阿送懷騁曠望倏忽陵關河佳
人常獨居守一抱清和炎塵合九衢念子罕經過爲郎
非其好解嘲意云何囂囂朝市情善隱猶薜蘿余情偶
淹留匪曰避鳴珂高枕對松石怡顏眄庭柯初蟬惠余
音颯颯涼絺羅同心各所適域內諒不遐道家出史官
國宰應貽它人邇室何遠念茲同詠歌
寄莫五丈友芝

言集卷八
山居易徂歲索處難爲年江東與君別蝕月二七圓久
客便所寓懷歸憚山川沅澧日夜流曠望風霜前雖耽
琴書樂豈勝昔所歡華髮對藜牀緇衣感洛鄜旅遜旣
殊趣風波誰與言常謠影山句枉勒鍾庭煙儻有松桂
興暫來宅湘堧

衡州城西望雨

夕氣清陂唐天容絢林叟陰霞映玄霄金暈相鮮灼殘
陽明遙甸素雨昏叢薄丹赤煊西雲青蒼負南嶽驚焱
驅荷浪涼響通蘿郭霧合望仍空光連象惟漠到影如
可陵超塵視寥廓

盛暑得雨池上景色已復秋情感而有作

閒居願暑徂安知惜長晝涼風開遠懷驚秋覽物候浮
雲何奄忽百感俱陵驟時華競方新人生獨已舊丹薇
叵貪榮垂楊已倦茂遷流有由然睚達明所受趣人常
多悔時過始蒙瞽悠悠誰使之往者不可咎

嘉會篇九年十月於長沙作呈龍李二鄧

嘉會固有常賢聚斯爲慶矧茲二好合欣逢四難并禮
煊擬春晴密雨調霜令歡言勖杯行新晴癯離病龍李
宅殷憂巷廬已嚮漣釋此且微行訪舊驚年負余生信
無涯二紀勞將迎悽悽尙德里落落衡山詠風川無損

時達者超其柄但知來日樂豈憶徂年競缺月已復弭
德星儻相暎且當數經過終然不伶俜

心遠樓夜飲呈同坐諸公去歲李申夫罷藩使時頻宴
此樓主人朱翁好客多藏酒數招文士集飲十月己
酉劉總兵設技樂餞余余三爵後辭而赴朱遂盡街
鼓踏月而還因述舊游兼調任鶴年黃錫燾楊恩壽
龍溥霖二鄧子

良宴歡相續翻催惜剛心高樓華燭夜歸客白頭吟醒
酒宜寒月傳更襍戍砧相看豪氣在誰信百惠溪
促管背花來秋光滿玉階菅騰去年事棖觸酒人懷舊

月非今月無涯接有涯麓山常在眼登賞幾回佳
少小天眞足追尋興不闌中年歡漸少正賴酒相寬百
里供鮮鱗深秋破蟬團主人能好客看取玉杯乾
犯夜拚街吏行歌識醉人管弭閒月露潭醴語風塵
國吾何敢離筵豈厭頻傳詩誇蜀使高會每回新
石牛塘途中作五首

余先世卜宅石牛塘近三百歲庚戌經行曾賦長句
至今二十年爲族子所賣先不相告也旣無求田之
志兼少買山之資躊躇門前感懷灌灌

故宅沿明代艱難託子孫石牛空識主駟馬不容門在

萐人先老茗亭屋尙存寒塘休照影青鬢曉霜絲

自雲湖至姜畬方三四十里曠土彌望比年散軍勁
卒相結攻剽若度地墾荒數年之間桑麻被野余旣
不假安人之柄鄉人衣錦方奪農功故無足言矣觀
此一隅何患人滿聊存此議冀或行之

曠土彌無際蒼蒼一望中田園民廢業家國道終窮準
擬十年計橫栽百萬松猶憐臥龍客徒作種桑翁

前福建提督王明山少壯不偶乞食吾鄉旣以軍功
起家富貴冠於一時後有郭松齡者以財結交聲望
傾王然真率不如也古者受成於學而虎賁說劒上

不遑教鄉校猶存今老生貧儒望過王郭若稍能禮
導俾廁衣冠化其麤獷生其畏慕鶚集泮林況於虎
臣乎而或拒或諂正論無聞青青子衿豈不多愧

將軍昔貧賤乞食眾人哀一劒君恩重三年甲第開愧
無芹藻化誰養棟梁材莫恨人才少徒驚富貴來

自立雲市至馬坵昔歲貧婦椎髻鶉衣今少婦童女
盛施朱粉酒壚逆旅不類貧家入湘鄉則妝飾異矣

咸豐中東南盛爲拖後髻曰蘇州罷

讀若派

蓋服娛也

橋上當壚女雙金繡額圓巧攏蘇罷髻嬌索市門錢舊
日村牢落窮嫠淚泣然絲華非盛事饑亂況頻年

己酉大水荆岳流民渡湖者相望吏民惟務振卹而
已去歲及今水患尤甚巡撫府縣下令格殺饑民然
橫索自如也振災之法治亂異宜今宜於災地重施
無令出境比年兵亂人輕去鄉轉徙之民幸災樂禍
然議殺流民胡可訓也且前者振卹湖南以興背本
吝施非吏之罪矣

水患推庚己重湖賴上游寧知冠蓋里徒有稻梁謀應
客無肥馬還鄉賣種牛老農間論世肉食莫深憇

雨過空靈灘

煙岫濛濛白秋楓瑟瑟青歸帆開霧雨細浪響空靈水

驛雙鬟報灘聲一枕聽霜鰕不易得隨處問漁汀

淦田權戍示從弟世同

夜火明孤戍荒愁暗裏來饑寒羣盜苦津邏幾時開短
榻深宵雨新霜北嶺梅何須戀升斗終前故山萊

酒集憶甲寅歲潭岳戰事感舊有作贈彭侍郎玉麀

至人不嬰物應物有推移行藏固自我遷流忽在茲江
湘昔崩迫羣材競求施綢繆義軍幙奮迅潭城垂仁兄
總一旅伐鼓振天維重陰豁然解大捷始赫斯誰參督
府謀仍蒙驕將欺謬興靖澗役再僨城陵師自此繇一
紀囂然吳楚疲余蒞終軍策偶作田單師從容視成敗

惠憤論安危八沉洞庭舟久忘沙鷗期寧知錢定臣亦
得浮雖夷波濤識笳鼓林樹疑旌麾靡喪回風月下昔是
今非非拯溺事由己成功退所宜悶然來去問身外豈
足譏逝川無停舍今古復幾時情深日滔滔迹往空遲
遲消搖值晚節已過誰能悲

青草湖曲

湖草最先春芳心自千里汀洲偶然望客恨連天水平
生不省江南怨柳眠花飛春始見誰知露葉煙絲中一
水一隄情萬重平波隱隱迷空曲極浦萋萋隨雨風湖
光草色春相引扁舟暗覺東風近行人來去莫相思天

涯易盡愁難盡

小冷峽

平隄疏柳晴初綠輕舟挂楫驚鳧浴津吏馮闌意思間
茶稅未登鹽課縮澄江百里作雙回官舫鳴鉦早晚來
莫向芳洲尋杜若年年水退草空肥

早春漢陽曉望作

雄襟建三城曠勢迤千里沔江波始春方舟道如砥水
氣濛濛晴昏昏愈清綺真秀不可圖芳曖非蘭芷懷人
惜道窮媮安論霸始鵠磯旣崇胡鸚洲義酬李貞臣經
緯謀今日山川美鬱然層樓觀無詒仲宣恥

正陽縣道中作一首縣令張君勗立試堂

北風振邊塵本來自朔方雖無動地力翳此白日光征
夫務前涂息處未敢皇經行感遺壘昔邁淮汝荒兵勢
重燕楚精甲連荆揚誰能鎮中原羣寇起雖張台藩旣
傾覆兩相復鴈行豈云多算勝竟賊凶徒僵懷夫一按
劍如柯反汶陽存亡固有時强弱信無常至今多壘郊
京觀鬱芒芒西夷近馮陵天際闕黃屋公卿但寄坐寧
念臣息辱樂亡豈人情有智苦不足思欲叩明后庖人
代尸祝悲憤立廟堂從容奠川瀆勝成文王師敗比渚
水曲家壩旣可乘否桑信貞卜翩翩柳垂枝天天桃始

榮低昂塵沙際亦足慰我情汝南昔多士北隴已久平
伊川尙爲戎陳蔡不再興麥苗何漸漸舊業輟農耕良
令敷儒術講舍始觀成願言推政本聊以惠遺氓慨彼
漆室歎挽輅重屏營

重過邯鄲作歌寄六雲

并序

同治三載余自清苑南還感臨洺之荒寂念故國之
餘春眷彼舊游嗟余道長時新得六雲彌月而別以
其幼質尤畏長途偶作歌詞有玉顏嬌曉之戲然自
此游倦閉門七年知好斷斷譏余憚出辛未正月強
一北征時則節候早春七星逾次平沙芳草有同昔

時而兵寇之餘焚蕩尤苦方台王曾李毛左諸帥之
敗也余居山中微聞燕趙有事而已至於梅榮桃落
槐陰楓曉樵蘇始倦詩酒方閒未嘗不率意同軒但
歌送璣流賞風月之前指畫山川之外當斯時也殊
不知榮辱何因而生哀樂何從而見況乎他人之成
敗一時之勝負乎夫出處一也而情不勝境未能忘
情其惟擇境乎堯喪天下於汾水之陽孔子乘桴於
九夷之海聖人有時而辟世顏子何爲而匿國哉旣
睹紛爭自然馳驚非夫道力殆難自止但歲月如流
修短同逝靜者觀化躁者忘年余與諸公閱世一也

昔曜桃李之色今改螻蛄之年豈獨玉容悲其老醜
而僕僕以徇時論殷殷以務修名不亦過乎感而作
詩固非小女子之所知也

君不見昔日漢宗置酒論恒趙愼姬清瑟聲要眇壯心
苦憶年少時馮闌自指邯鄲道慷慨悲歌泣數行人生
哀樂信難忘魏公英姿定河朔鄴城餘恨惜分香兩君
得意尙如此何況叢臺兵火荒舊游飛沙沒車軌七年
閉門風日美閨中偶論清苑游有夢不渡漳洺水羞言
十九處錐囊愁見三千曳珠履鼓角歌鐘兩寂寥門前
五柳春風裏歸雲無心仍獨飛黃塵有意污人衣積牆

敗壘淒滿目榆莢棠梨春影稀朝市興亡如轉轂忙者
自誼閒自寂惟應歲月同遷流玉顏暗老蛾眉蹙畫閣
鳴箏久集塵澠池擊缶任旁人徒憐趙女如花兒一閉
阿房十一春

贈翰林周學士壽昌

長沙學士才名羨澄湘臺下初相見當時鼓角翻江波
取別恩恩若飛電七年臥病黃鵠磯卽君留滯周南時
漢口霜鳬凍衡岡有酒相呼斟酌之我年未壯君已艾
眾中許我傾流輩鸚鵡洲前狂笑來禰衡驚起仍相怪
古來盛名多零丁看君早入承明庭浮雲富貴長過眼